

Die 3 Februarii
S. ANSGARII
EPISCOPI ET CONF.
Archiepiscopi Hamburgensis

Ex proprio Osnabrugensi

INTROITUS

Jes 61, 1; Ps 116, 1

Spíritus Dómini super me, eo quod únixerit me Dóminus: misit me ut medérer contrítis corde, et prædicárem captívis indulgéntiam, et clausis apertíonem. (T. P. Allelúja, allelúja.)

Ps. Laudáte Dóminum, omnes gentes: laudáte eum, omnes póuli. *ŷ.* Glória Patri.

ORATIO

Deus, qui hodiérnam diem sacratíssimam nobis in beáti Ansgárii Confessóris tui atque Pontificis gloriósa solemnitate tribuísti: adésto propítius Ecclésiæ tuæ précibus; ut, cujus gloriátur méritis et doctrínis, muniátur suffrágiis. Per Dm̄n.

In Missis votivis dicatur sequens

ORATIO

Deus, qui nos gloriósam beáti Angári Pontificis tui commemoratiónem celebráre concédis: præsta, quæsumus; ut devótis eam méntibus peragámus, et ejus patrocínio promerénte, plenæ capiámus securitátis augméntum. Per Dm̄n.

LECTIO 1 Cor 2, 1-7

Lectio Epístolæ beáti Pauli Apóstoli ad Corínthios.

Ego cum veníssem ad vos, veni non in sublimitate sermónis aut sapiéntiæ annúntians vobis testimónium Christi. Non enim judicávi me scire áliquid inter vos, nisi Jesum Christum, et hunc crucifíxum. Et ego in infirmitate et timóre et tremóre multo fui apud vos, et sermo meus et prædicatio mea non in persuasíbilibus humanæ sapiéntiæ verbis, sed in ostensióne Spíritus et virtútis, ut fides vestra non sit in sapiéntia hóminum, sed in virtúte Dei. Sapiéntiam autem lóquimur inter perféctos, sapiéntiam vero non hujus sæculi neque príncipum hujus sæculi qui destruúntur, sed lóquimur Dei sapiéntiam in mystério quæ abscondita est, quam prædestinávit Deus ante sæcula in glóriam nostram.

GRADUALE ET ALLELUJA

Ps 97, 2.3; 2 Tim 4, 7

Notum fecit Dóminus salutáre suum: in conspéctu géntium revelávit justítiam suam. *ŷ.* Vidérunt omnes términi terræ salutáre Dei nostri.

Allelúja. Allelúja. Bonum certámen certávit, cursum consummávit, et accépit corónam justítiæ, quam réddidit ei Dóminus justus judex. Allelúja.

Post Septuagesimam, omissis Alleluja et versu sequenti, dicitur :

TRACTUS *Ps 64, 6.9; Ps 24, 7*

Exáudi nos, Deus, salutáris noster : spes ómnium finium terræ et in mari longe. *ŷ.* Turbabúntur gentes et timébunt qui hábitant términos, a signis tuis. *ŷ.* Secundum misericórdiam tuam meménto mei tu, propter bonitátem tuam, Dómine.

In Missis votivis T. P. omittitur Graduale et Alleluja ut supra, et eorum loco dicitur :

ALLELUJA *Ps 65, 4; Is 9, 2*

Allelúja. Allelúja. *ŷ.* Omnis terra adóret te, et psallat tibi : psalmum dicat nómini tuo. Allelúja. *ŷ.* Habitántibus in regione umbræ mortis, lux orta est eis. Allelúja.

EVANGELIUM *Mc 16, 15-18.20*

Sequéntia sancti Evangélii secundum Marcum.

In illo témpore: Dixit Jesus discipulis suis: Eúntes in mundum univérsum, prædicáte evangélium omni creatúræ. Qui credíderit et baptizátus fúerit, salvus erit: qui vero non credíderit, condemnábitur. Signa autem eos, qui crediderint, hæc sequéntur: In nómine meo dæmónia ejíciant: linguis loquéntur novis: serpéntes tollent: et si mortíferum quid bíberint, non eos nocébit: super

ægros manus impónent, et bene habébunt. Illi autem proféciti, prædicavérunt ubíque, Dómino cooperánte et sermónem confir mánte, sequéntibus signis.

OFFERTORIUM *Ps 95, 7-9*

Afférte Dómino, pátriæ génitium, afférte glóriam et honórem, afférte Dómino glóriam nómini ejus: tóllite hóstias et introíte in átria ejus, adoráte Dóminum in átrio sancto ejus. (T. P. Allelúja.)

SECRETA

Sacrificium tibi, Dómine, laudis offerimus in celebritáte (commemoratíone) sancti Ansgárii Pontíficis tui: ut propitiatiónem, quam nostris opéribus non merémur, pii suffragatóris intercessiónibus assequámur. Per Dóminum nostrum.

COMMUNIO *Ps 106, 8-9*

Confiteántur Dómino misericórdiæ ejus filiis hóminum: quia satiávit ánimas inánes, et ánimas esuriéntes satiávit bonis. (T. P. Allelúja.)

POSTCOMMUNIO

Præsta, quæsumus, omnípotens Deus: ut, quos cælésti mystério misericórditer refecísti, per gloriósum Antístitem Ansgárium æternáliter fácias Angelórum gaudére convívii. Per Dóminum nostrum.